



Fedje kommune

Møtebok for Formannskapet

Møtedato: 03.03.2020
Møtestad: Slissøyana/Skarvøyana Fedje fleirbrukshall
Møtetid: 17:15 - 19:30

Møtedeltakarar	Parti
Stian Herøy	H
Bjørn Solbakk	Frp
Hans Erik Waage	Ap
Kamilla Bjerkholt Karlsen	Ap
Marit Solbakk Øien	Frp

Følgjande møtte frå administrasjonen:

Bjarte Villanger, Dagrun Gunnarson, Gjermund Hagesæter, Kim Andre Vangberg, Øyvind Tolleshaug

Sakliste

Saknr	Tittel
015/20	Godkjenning av møteinnkalling og sakliste
016/20	Godkjenning av møtebok
017/20	Referatsaker
018/20	Delegerte saker
019/20	Delegerte saker teknikk og miljø
020/20	Søknad om overdraging av skjenkeløyyvet
021/20	Festeavgift for gravminner ved Fedje Kyrkje
022/20	Dagsturhytte
023/20	Kommunedelplan for helse og omsorg. Planprogram
024/20	Avtale om administrativ vertskommunesamarbeid om krisesenter for Bergen og omegn
025/20	Psykososialt kriseteam
026/20	Handsaming av kulturminneplanen for Fedje kommune
027/20	Eventuelt formannskap 03.03.20

Sakspapir

Sakshandsamar	Arkiv	ArkivsakID
Dagrun Gunnarson	FE-033	20/119

Saksnr	Utval	Type	Dato
015/20	Formannskapet	PS	03.03.2020

Godkjenning av møteinnkalling og sakliste

Saksutgreiing:

Forslag til vedtak:

Møteinnkalling og sakliste vert godkjent.

Formannskapet - 015/20

F - behandling:

F - vedtak:

Møteinnkalling og sakliste vert godkjent.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	20/119

Saksnr	Utval	Type	Dato
016/20	Formannskapet	PS	03.03.2020

Godkjenning av møtebok

Vedlegg:

Protokoll - Formannskapet - 06.02.2020

Saksutgreiing:

Forslag til vedtak:

Møtebok frå sist møte vert godkjent.

Formannskapet - 016/20

F - behandling:

F - vedtak:

Møtebok frå sist møte vert godkjent.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	20/119

Saksnr	Utval	Type	Dato
017/20	Formannskapet	PS	03.03.2020

Referatsaker

Underliggjande saker:

017/20.1. Ekstern høyring: Nasjonale faglege råd for tidleg oppdaging og rask respons ved forverra somatisk tilstand. Høyringsfrist 9.3.2020

017/20.2. Fråsegn frå regionrådet om NOU 2019: «Skattlegging av havbruk»

017/20.3. Høyring - Endringar i forskrift om grossistverksemd med legemidlar - legemidlar omfatta av beredskapsplikt

017/20.4. Høyring av elfenbeinslav som prioritert art med økologisk funksjonsområde og olivinskog og åpen grunnlendt kalkmark som utvalgt naturtype

017/20.5. Høyring frå Kunnskapsdepartementet

017/20.6. Høyring vedkomande endring i forskrift om jakt, felling og fangst - bruk av kunstig lys ved jakt på villsvin

017/20.7. Ny rettleiar om tilstandsrapportering om barnevern til kommunestyret

017/20.8. Referat frå møte 01- 2019/2020 i samarbeidsutvalet (SAU) ved fedje skule

017/20.9. Åpen høyring – Nasjonal faglig retningslinje for tannhelsetjenester til barn og unge, del 2

017/20.10. Kontrollrapport 2019 vedrørende skatteoppkreverfunksjonen for Fedje kommune

017/20.11. Opningstider NAV Fensfjorden

Saksutgreiing:

Forslag til vedtak:

Referatsaker vert tekne til orientering.

Formannskapet - 017/20

F - behandling:

F - vedtak:

Referatsaker vert tekne til orientering.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	20/119

Saksnr	Utval	Type	Dato
018/20	Formannskapet	PS	03.03.2020

Delegerte saker

Underliggjande saker:

004/20. Tildeling kommunal bustad

Grunnlag for tildeling: Bustad- og tildelingsreglement for Fedje kommune K 056/02 og K 013/11

I tråd med Bustad- og tildelingsreglement for Fedje kommune, skal søkjarar rangerast slik:

1) Kommunalt tilsette, 2) Folketalsrekruttering/næringsliv, 3) Andre søkjarar .

Sosialkontoret kan krevje ledig bustad utanom køen om naudsynt.

Vedtak:

Morten Tangen får tilbod om å leige Husøyna 38 frå 01.03.2020 . Standard leigekontrakt gjeld.

Signert husleigekontrakt vert levert til Fedje kommune innan 25.02.2020

Fedje kommune har 2 ledige bustader etter denne tildelinga.

005/20. Avslag på søknad om serveringsløyve

Fedje Servering AS, org.nr. 922902615, får ikkje serveringsløyve. Grunngeving: Det er ikkje dokumentert at dagleg leiar har etablererprøven, og bruksløyve til serveringslokalet er ikkje på plass.

006/20. Svar på søknad om skjenkeløyve einskildhøve

Vesttun Bygdelag får einskildhøve skjenkeløyvet for 22.02.2020 frå kl.20.00 i samsvar med vilkåra som står i saksutgreiinga.

Saksutgreiing:

Forslag til vedtak:

Delegerte saker vert tekne til orientering.

Formannskapet - 018/20

F - behandling:

F - vedtak:

Delegerte saker vert tekne til orientering.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	20/119

Saksnr	Utval	Type	Dato
019/20	Formannskapet	PS	03.03.2020

Delegerte saker teknikk og miljø

Underliggjande saker:

002/20. Vedtak om pålegg om opphør av bruk av 4 bueiningar og forsamlingslokale i bygning på gnr. 168, bnr. 47.

I medhald av delegeringsreglement for Fedje kommune, sist revidert i k-sak 082/16, gjer teknisk sjef følgjande vedtak :

Fedje kommune gjev pålegg for gnr. 169, bnr. 47, seksjon 1, 2, 3, 4 og 5 slik :

Bruken av 4 bueiningar og forsamlingslokale i bygning på gnr. 169, bnr. 47 skal opphøre straks.

Grunngjeving : Vilkåra i mellombels bruksløyve av 13/7-16, er ikkje oppfylt trass i at det er gjeve utsetting av frist for gjennomføring fleire gongar, siste gong 30. november 2018 med frist 1. april 2019. Opphavsleg frist var 1. desember 2016.

Lovheimel for pålegg er § 32-3 i plan- og bygningslova.

Etter § 32-3 i plan- og bygningslova, skal det vera ein frist for oppfyllelse. Vilkåra i mellombels bruksløyve av 13/7-16, skal vera oppfylt innan 15. mars 2020.

003/20. Løyve til fasadeendring for naust/fritidsbustad

I medhald av delegeringsreglement for Fedje kommune, sist revidert i k-sak 082/16 og plan- og bygningslova § 21-4 gjer teknisk sjef følgjande vedtak :

Fasadeendring i samband med bruksendring på gnr. 168, bnr. 479, vert godkjent.

004/20. Byggesak Gbnr 169/1 - Veg og parkeringsplass - Løyve yil å bygga avkøyrsløye og parkeringsplass

I medhald av delegeringsreglement for Fedje kommune, sist revidert i k-sak 082/16 og plan- og bygningslova § 21-4 gjer teknisk sjef følgjande vedtak :

Samnøy Maskin AS får rammeløyve og igangsettingsløyve til å bygga avkøyrsløye og parkeringsplass på gnr. 169, bnr. 1. Einar Kahrs er tiltakshavar.

Alt arbeid vert godkjent som arbeid i tiltaksklasse 1.

Lovheimel : § 9-3 i byggesaksforskrifta.

Samnøy Maskin AS får i samsvar med § 19-2 i pbl dispensasjon frå kravet i kommuneplanen om byggegrense på 15 meter. Parkeringsplassen kan byggast inntil 4,0 meter frå midtlina til fylkesvegen. Grunngrjeving : sjå saksutgreiinga.

Med heimel i § 29-1 og § 29-2 i pbl, krev kommunen at eventuelle steinfyllingar skal vera dekkja til med jord. Dersom dette ikkje lar seg gjera, skal det som er synleg av eventuelle steinfyllingar vera bygd som natursteinsmur. Den visuelle kvaliteten skal vera på høgde med følgjande murar : kai på Stormark (slutt fylkesveg), ved kontorbygget til Bukser & Berging og ved garasje til

E. Horgen. Den visuelle kvaliteten skal vera **minst** på høgde med mur ved fergekai.

Saksutgreiing:

Forslag til vedtak:

Delegerte saker vert tekne til orientering.

Formannskapet - 019/20**F - behandling:****F - vedtak:**

Delegerte saker vert tekne til orientering.

Samrøystes vedteke.

Sakspapir

Sakshandsamar	Arkiv	ArkivsakID
Kristin Handeland	FA-U63	19/172

Saksnr	Utval	Type	Dato
020/20	Formannskapet	PS	03.03.2020
011/20	Kommunestyret	PS	12.03.2020

Søknad om overdraging av skjenkeløyyet

Vedlegg:

Skjenkebevilling (KF-423)

Vedlegg til skjenkesøknad: Aksjeeierbok Fedje Servering AS

Vedlegg til skjenkesøknad: Eigenerklæring internkontroll

Firmaattest

Firma attest fedje servering AS

Teikning over område for skjenke og serveringsløyve

Kvittering frå mattilsynet i søknaden

Vedrørende Fedje Servering AS, Hovedgården 38, 5307 ASK

Kunnskapsprøve

Kunnskapsprøva i alkohollova

Etablererprøven

Vedrørende overdragelse av varelager i forbindelse med søknad om skjenkeløyve for Fedje Servering AS

Saksutgreiing:

Oppsummering av saka: Fedje servering AS får ikkje fast skjenkeløyve no for Kafe Bjelland og tilhøyrande skjenkeområde på Fab nr 8, fordi dei ikkje fyller krava til å få skjenkeløyve.

Saksopplysningar:

19.12.2019 søkte Tore Frugård om overdraging av skjenkeløyve frå Land og Strand AS til Fedje Servering AS. Overdraging av skjenkeløyve er underlagt same krav om handsaming og dokumentasjon som vanleg søknad om fast skjenkeløyve.

Det vert opplyst at overdraginga frå selskapet Land og Strand AS til Fedje Servering AS gjeldt frå 16.11.2019. Det er i tråd med alkohollova §1-10 høve til å halde fram på tidlegare løyve i tre månader etter overdraginga.

Søknaden gjeld for alkohol i gruppe 2 og 3.

Gruppe II er alkohol frå 4,7 % til og med 22 % alkohol.

Gruppe III er alkohol frå 22 % til og med 60 % alkohol.

Styrar for skjenkeløyyet er Tore Frugård. Stian Øvsthus er avløyysar for skjenkeløyyet.

Alkohollova set ei rekkje krav til ulik dokumentasjon når nokon søker skjenkeløyve.

Utdrag frå alkoholova § 1-7 a-f. Der står det mellom anna:

§ 1-7 (..) Før kommunestyret avgjer søknaden, skal det innhentes uttalelse fra sosialtjenesten og politiet. Det kan også innhentes uttalelse fra skatte- og avgiftsmyndighetene. I kommuner som har militær øvingsplass, skal uttalelse innhentes fra vedkommende militære avdeling. Kommunen kan pålegge søkeren å dokumentere de opplysninger som er nødvendige for å kunne ta stilling til om kravene i §§ 1-7b og 1-7c er oppfylt, herunder ved behov pålegge søkeren å legge frem finansieringsplan, driftsbudsjett og likviditetsbudsjett for virksomheten.(..)

§ 1-7 b Krav tilandel

(..) Bevilgningshaver og personer som har vesentlig innflytelse på virksomheten, må ha utvist uklanderlig andel i forhold til alkoholovgivningen og bestemmelser i annen lovgiving som har sammenheng med alkoholovens formål, samt skatte- og avgifts- og regnskapslovgivningen. Person som eier en vesentlig del av virksomheten eller av et selskap som driver virksomheten, som oppebærer en vesentlig del av dens avkastning eller som i kraft av sin stilling som leder har vesentlig innflytelse på den, vil alltid anses å ha vesentlig innflytelse på virksomheten. (..)

§ 1-7 c Styrer og stedfortreder

(..) Styrer og stedfortreder må være ansatt i salgs- eller skjenkestedet eller arbeide i virksomheten i kraft av eier stilling. Som styrer kan bare utpekes den som har styringsrett over salg eller skjenking, herunder ansvar for å føre tilsyn med utøvelsen av bevilgningen. I styrers fravær påhviler styres plikter stedfortreder. Bevilgningshaver må straks søke om godkjenning av ny styrer dersom styrer slutter.

Styrer og stedfortreder må være over 20 år og ha dokumentert kunnskap om alkoholoven og bestemmelser gitt i medhold av den . Dokumentasjonskravet gjelder ikke ved tildeling av bevillingen enkelt bestemt anledning etter §1-6 annet ledd og ambulerende bevilling etter § 4-5.

Alkoholova § 11-2

Dersom ny bevilgning ikke er tildelt før eierskifte, men virksomheten fortsetter drive på tidligere bevilling jf. Alkoholoven § 1-10 første ledd tredje og fjerde punktum, kan alkoholholdig drikk som inngår i varebeholdningen overdras sammen med virksomheten under forutsetning av at partene samtidig med melding dokumenterer – Hvem som driver virksomheten- tidspunkt for overdragelsen- varebeholdningens omfang- en plan for varebeholdningen for det tilfelle av ny bevilling ikke er gitt innen utløpet av overgangen.(..)

Dei som søker skjenkeløyve må ha serveringsløyve.Dette seier lov om serveringsvirksomhet (serveringsloven):

Kapittel 2. Tillatelse til å etablere serveringssted

(...) § 3.Bevilling

Den som vil gjøre seg næring av å drive serveringssted må ha serveringsbevilling gitt av kommunen.(..)

Vurdering

Fedje servering AS **har** levert fylgjande dokumentasjon:

- Kunnskapsprøve for søkjar og stadfortredar
- Arbeidsavtale avløysar
- Eigenerklæring internkontroll
- Firmaattest for Fedje servering AS med dagleg leiar Uraiwan Promrangsri
- Skisse øve området det er søkt om skjenkeløyve for, med informasjon i seinare e-post om at det gjeld same skjenkeområde som det tidlegare er gjeve løyve for
- Kvittering frå mattilsynet
- Stadfesting på løyve til å nytta lokala frå eigedomsselskapet
- Utale frå politi utan merknad
- Utale frå helse- og omsorgssjef i Fedje kommune utan merknad
- Skatteattest og utfyllande opplysningar for selskapet og dei to eigarane
- Aksjeeigarbok
- Eigenerklæring overdraging av varebeholdning

Fedje servering AS **har ikkje** levert dokumentasjon på at dei har fylgjande:

- Serveringsløyve
- Bruksløyve på lokala det er søkt skjenkeløyve for

Land og Strand Eigedom AS fekk den 13.02.2020 pålegg om bruksstans på lokala dei nyttar til serveringsverksemd. Land og Strand Eigedom AS har hatt mellombels bruksløyve sidan 2016 fram til 13.02.2020.

Fedje Servering AS fekk den 13.02.2020 avslag på serveringsløyve, grunna det same pålegget om bruksstans for serveringslokalet, samt ikkje dokumentert etablerarprøve for dagleg leiar.

Alternative framgangsmåtar for kommunestyret:

A) Avslag:

Grunna manglande serveringsløyve stettar Fedje servering AS ikkje krava til å kunna få skjenkeløyve. Serveringsløyve ligg til grunn for å kunne servere noko som helst, også drikke. I tillegg er det også krav om meny etter vår lokale forskrift om sals-, skjenke- og opningstider (vedteke juni 2016):

2. Alminnelege skjenkebestemmelser

(...) Skjenkestadane skal ha fast meny eller à la carte meny. (...)

Kjem det dokumentasjon på serveringsløyve (som er eit administrativt vedtak) vil Fedje kommune kunna handsama ein søknad om skjenkeløyve raskt og senda den til ny politisk handsaming.

B) Det vert gjeve skjenkeløyve på vilkår:

Vil kommunestyret gi skjenkeløyve under føresetnad av at det vert levert inn serveringsløyve, må løyve gjelda frå 12.03.2020 til 30.09.2020 . I tillegg treng administrasjonen teikningar av område ein søker skjenkeløyve for, teikningane me har i dag er ei skisse. Det må koma klart fram i vedtaket kva kommunestyret gir løyve til, kva alkoholgruppe det er og kva som er skjenketidene for løyvet.

Alle salsløyve og skjenkeløyve går ut 30 september 2020. Alle som har løyver dei ynskjer fornya/behalda må søkja på nytt, også dei som måtte få løyve no i mars. Desse løyva vert handsama i kommunestyret i juni 2020, etter rullering av lokal alkoholpolitisk plan.

Alkohollova seier:

(..)1-6.Bevillingsperioden.

Kommunal bevilling til salg av alkoholholdig drikk gruppe 2 og 3 kan gis for 4 år av gangen, og med opphør senest 30. september året etter at nytt kommunestyre tiltrer.

Konklusjon:

Kafe Bjelland er ein viktig samlingsplass og kulturstad på Fedje. Men alkohollova gjev strenge reglar for kven som får skjenkeløyve og korleis det skal dokumenterast at ein fyller krava. Kommunestyret kan gje løyve på vilkår, men det vil vere vanskeleg for administrasjonen å følgje opp om krava faktisk vert oppfylt før ein tek løyvet i bruk. Rådmannen anbefalar difor at ein ikkje gjev skjenkeløyve no.

Kjem det dokumentasjon på gyldig serveringsløyve vil Fedje kommune kunna handsama saka raskt og senda den til ny politisk handsaming. For at det skal vere mogleg å få politisk handsaming innan sesongen startar, vil det vere ein klar fordel at formannskapet kan handsame søknaden. Løyvet det no vert søkt om gjeld uansett berre fram til 30.09.20. Ved å delegere denne avgjerda til formannskapet, har Fedje servering AS ein moglegheit for å rette dette opp for drift i sesongen 2020 utan at me må kalle inn til ekstra kommunestyremøte.

Forslag til vedtak:

Fedje kommune kan ikkje gje Fedje Servering AS skjenkeløyve, grunna manglande serveringsløyve.

Fedje kommunestyre gjev formannskapet fullmakt til å tildele Fedje servering AS skjenkeløyve i perioden fram til 30.09.20, under føresetnad av at vilkåra er oppfylt.

Formannskapet - 020/20

F - behandling:

F - vedtak:

Fedje kommune kan ikkje gje Fedje Servering AS skjenkeløyve, grunna manglande serveringsløyve.

Fedje kommunestyre gjev formannskapet fullmakt til å tildele Fedje servering AS skjenkeløyve i perioden fram til 30.09.20, under føresetnad av at vilkåra er oppfylt.

Samrøystes vedteke.

Sakspapir

Sakshandsamar	Arkiv	ArkivsakID
Gjermund Hagesæter		20/116

Saksnr	Utval	Type	Dato
021/20	Formannskapet	PS	03.03.2020
013/20	Kommunestyret	PS	12.03.2020

Festeavgift for gravminner ved Fedje Kyrkje

Vedlegg:

VedtakFedjeSokneråd0220

Saksutgreiing:

Bakgrunn

Bakgrunnen for denne saka er følgjande tillegg til vedtak som vart gjort i kommunestyresak 052/18:

«Kommunestyret ber rådmannen om å koma attende med ei sak for å drøfta ulike måtar å sikra gravene rundt kyrkja som kulturminne. Inntil vidare skal desse gravsteinane stå.»

Dette tillegget har skapt ein del forvirring og motstand frå kyrkja. Bakgrunnen for motstanden er at gravminnene rundt kyrkja er dei eldste og at ikkje alle av desse har festarar og at nokon også ynskjer gravene sletta. Fedje sokneråd meiner at i denne situasjonen er det urimeleg å krevja festeavgift for gravminnene rundt kyrkja.

På bakgrunn av dette har Fedje sokneråd i møte den 4/2-20, sak 03/20, vedtatt følgjande:

«Fedje sokneråd ber Fedje kommunestyre om at innkrevjing av festeavgifter for gravminnene rundt kyrkja opphøyrer inntil vidare og inntil ein har fått laga ein verneplan for kva for gravminner som skal bevarast for ettertida - på gravferdsforvaltninga sin kostnad og ansvar.»

Vurdering

Rådmannen har forståing for dei innvendingane Fedje sokneråd har i denne saka. Kor mange graver dette vil gjelda er usikkert men festeavgifta for ei grav som er meir enn 60 år er kr 600,- pr år. På usikkert grunnlag vert det lagt til grunn at eit vedtak i tråd med det Fedje sokneråd ber om vil koste ca kr 10 000,- pr år. Det er kyrkja som krev inn desse avgiftene. Om Fedje kyrkje for framtida skal kompensera for dette tapet må ein ta stilling til i framtidige årsbudsjet.

Folkehelse: Ikkje relevant

Miljø: Ikkje relevant

Økonomi: Festeinntektene på gravene rundt kyrkja utgjer ca kr 10 000,- pr år.

Konklusjon

Fedje kommune sluttar seg til ynskjet frå Fedje sokneråd om at festeavgifter for alle gravminner rundt Fedje kyrkje opphøyrer inntil ein har fått laga ein verneplan for kva gravminner som skal bevarast for ettertida.

Forslag til vedtak:

Fedje kommune sluttar seg til ynskjet frå Fedje sokneråd om at festeavgifter for alle gravminner rundt Fedje kyrkje opphøyrer inntil ein har fått laga ein verneplan for kva gravminner som skal bevarast for ettertida.

Formannskapet - 021/20**F - behandling:****F - vedtak:**

Fedje kommune sluttar seg til ynskjet frå Fedje sokneråd om at festeavgifter for alle gravminner rundt Fedje kyrkje opphøyrer inntil ein har fått laga ein verneplan for kva gravminner som skal bevarast for ettertida.

Samrøystes vedteke.

Sakspapir

Sakshandsamar	Arkiv	ArkivsakID
Øyvind Tolleshaug	FE-233	19/471

Saksnr	Utval	Type	Dato
022/20	Formannskapet	PS	03.03.2020
004/20	Kommunestyret	PS	12.03.2020

Dagsturhytte

Saksutgreiing:

Bakgrunn

Vestland fylkeskommunen er i ferd med å gjennomføre eit prosjekt kalla Dagsturhytta, som starta i Sogn- og fjordane fylkeskommune.

Prosjektet går ut på at alle kommunar i Vestland skal få ein dagsturhytte med areal lik 15 m2. Sjå dagsturhytta.no. I Hordaland vil alle dei gamle kommunane få ei hytte, dvs. Alver kan få 3 stk. Bergen får 3 stk.

Hyttene i Sogn og Fjordane har kosta mellom 900.000 og 1.600.000 kr, dei fleste nær 900.000,- kr

Finansieringa er slik : 400 (spillemidler) + 240 (mva refusjon) + 300 (Sparebankstiftinga og fylkeskommunen) + 260 (Fedje kommune) = 1.200.000.

Fylkeskommunen står for tilbod og kontrakt for bygging over bakken inkl. betongfundament. Fedje kommune vert ansvarleg for avgraving av tomta.

Fedje kommune er byggherre.

Fylkeskommunen handsamar søknad om spillemidlar, vi er difor garantert å få desse. Dei utgjer 1/3 av finansieringa. Tilskotet frå Sparebankstiftinga og fylkeskommunen er fast lik 300'.

Kostnad med avgraving av tomta, inngår i grunnlaget for søknad om spillemidlar. Hyttene vil få solcellepanel til lys og vedomn.

Administrasjonen er kome fram til at Aurihopen ei god lokalisering for ei dagsturhytte. Vi har vore i

kontakt med grunneigar som er positiv.

Gjennomføring : 2020 eller 2021. Fylkeskommunen prøver å samle hyttene i grupper for å få ned kostnaden med helikoptertransport. Det er difor ikkje muleg å seia om prosjektet vert gjennomført i 2020 eller 2021.

Mogeleg finansiering om prosjektet vert gjennomført i 2020 : Trafikksikring vert utsett, 100.000,- kr og tømmeanlegg for bobiler vert redusert med 160.000 kr.

Skal vi vera med på prosjektet, må vi ha politisk vedtak i vår / så snart som muleg.

Konklusjon

Fedje kommune vil vera med på dagsturhytteprosjektet til Vestland fylkeskommune med ei hytte i Aurihopen.

Forslag til vedtak:

Fedje kommune vil vera med på dagsturhytteprosjektet til Vestland fylkeskommune med ei hytte i Aurihopen.

Finansiering om prosjektet vert gjennomført i 2020 : Trafikksikring vert utsett, 100.000,- kr og tømmeanlegg for bobiler vert redusert med 160.000 kr.

Formannskapet - 022/20

F - behandling:

Endringsframlegg frå FrP, foreslått av Bjørn Solbakk, Framstegspartiet

3.setning vert endra til: Kr 100000 for trafikksikring vert verande som i dag.

Medan 100000 kr vert teke frå fond, og 160000 kr vert teke frå tømmeanlegg for bubil/ camping

Endringsforslag frå Arbeiderpartiet, foreslått av Kamilla Bjerkholt Karlsen, Arbeiderpartiet

2.setning vert endra til: Finansiering om prosjektet vert gjennomført i 2020: Tømmeanlegg for bubilar vert redusert med 260 000 kr.

Ingen ønskte å gå for rådmannen sitt framlegg til finansiering.

Dei to framlegga vart difor sett opp mot kvarandre ved avrøysting. Framlegg frå Bjørn Solbakk (Frp) vart vedteke med 3 mot 2 røyster. Arbeiderpartiet sine representantar røysta for sitt alternative framlegg.

F - vedtak:

Fedje kommune vil vera med på dagsturhytteprosjektet til Vestland fylkeskommune med ei hytte i Aurihopen.

Finansiering om prosjektet vert gjennomført i 2020: Kr 100000 for trafikksikring vert verande som i dag. Medan 100000 kr vert teke frå fond, og 160000 kr vert teke frå tømmeanlegg for bubil/camping.

Vedteke med 3 mot 2 røyster. Arbeiderpartiet sine representantar røysta for sitt alternative framlegg.

Sakspapir

Sakshandsamar	Arkiv	ArkivsakID
Kim Andre Vangberg	FE-144, FA-G00	19/328

Saksnr	Utval	Type	Dato
004/20	Eldrerådet	PS	20.02.2020
023/20	Formannskapet	PS	03.03.2020
008/20	Kommunestyret	PS	12.03.2020

Kommunedelplan for helse og omsorg. Planprogram Planprogram ny utgåve etter høyringsfristen desember 2019

Vedlegg:

Planprogram

Fylkesmannen i Vestland si fråsegn til Fedje kommune sitt planprogram for kommunedelplan for helse og omsorg

Folkehelseoversyn 2017 - 2020

Uttale frå eldrerådet til planprogram- kommunedelplan for helse og omsorg

Fråsegn til planprogram - kommunedelplan for helse og omsorg - Framlegg til planprogram

AcosSvarInn.xml

Saksutgreiing:

Bakgrunn

Kommunestyret i Fedje gjorde 24. september 2019 vedtak å starta arbeidet med å laga ein kommunedelplan for helse og omsorg. Kommunestyret gjorde samstundes vedtak om å leggja framlegg til planprogram ut til offentleg ettersyn. Frist for å kome med merknader til planprogrammet, var 31. desember 2019. Etter høyringsfristen var det komen inn høyringsuttalelse frå tre aktørar. Følgjande instansar hadde gitt høyringsvar; Eldrerådet, Fylkeskommunen og Fylkesmannen. Høyringsvara er vedlagt saksframstillinga.

Eldrerådet har i si uttale krav om å vere med i arbeidet med ny helse- og omsorgsplan.

Fylkesmannen saknar ei betra utgreiing av korleis kommunen har tenkt å inkludera befolkninga i prosessen med å laga ein helse- og omsorgsplan. Dei tilrår at planprogrammet konkret skal visa korleis det blir lagt til rette for at ulike delar av lokalsamfunnet kan inkluderast. Dei tilrår ein meir konkret plan på medverknad, gjerne med tidslinje og aktivitetar.

Fylkeskommunen ber om at planarbeidet legg vekt på folkehelse, kulturminne og miljø

Vurdering

I vedlagd revidert planprogram er det gjort endringar / justeringar på bakgrunn av innkomne innspel etter høyringsfristen 31.12.2019.

Det kjem fram i ny utgåve av planprogrammet eit tydligere lovgrunnlag, sentrale, regionale og lokale føringar som ein må ta utgangspunkt i, som endel av kommunedelplanen innan helse og omsorg. Det er eit utvida planprogram med tydligere prosjektorganisering. Eldrerådet har med bakgrunn i sitt innspel vorte ein del av prosjektgruppa med ein representant.

Vidare i prosjektorganiseringa etter innspel frå fylkesmannen og fylkeskommunen kjem det fram ei klarare rolleavklaring, medverknad frå innbyggjarar og lokalsamfunn i utarbeiding av ny helse- og omsorgsplan. For å sikra medverknad frå lokalsamfunn, innbyggjarane vil me invitera til open «workshop» der me saman har idemyldring og ser på utfordringsbilete til Fedje kommune. Det kjem fram ein prosessplan og korleis den formelle behandlinga for ny kommunedelplan vert. Det er òg eitt nytt underpunkt om økonomiske rammer for planarbeidet.

Folkehelse

Helse og omsorgstenester er sentralt for helse og velveret til befolkninga. Utarbeiding av ein overordna helse og omsorgsplan vil difor vera eit essensielt tiltak til å fremja god folkehelse. Det er viktig å sjå folkehelseperspektiv i samanheng med mellom anna planverk, overordna samfunnsplan, kulturminneplan, folkehelseoversyn og oppvekstplan. Derfor vil ein mellom anna i ny kommunedelplan konkret innlemma plan for folkehelseoversyn i Fedje kommune frå 2017-2020.

Konklusjon

I tråd med kommunal planstrategi 2017-2020 tilrår rådmannen at kommunen set i gang eit arbeid med ny kommunedelplan for helse og omsorg, med ei skildring av nye utfordringar, mål og tiltak. Planprogrammet vil vere førande for utarbeidelsen av ny kommunedelplan for helse og omsorg.

Forslag til vedtak:

Rådmannen sitt fremlegg til vedtak er:

Med hjemmel i Plan- og bygningsloven §4-1 Planprogram, vedtar Fedje kommune planprogrammet til Kommunedelplan for Helse- og omsorg 2020-2025

Eldrerådet - 004/20

ELD - behandling:

Fellesframlegg:

Leiar i eldrerådet vert representant i planarbeidet frå eldrerådet, nestleiar vert vara.

ELD - vedtak:

Elderådet tilrår følgjande vedtak:

Med hjemmel i Plan- og bygningsloven §4-1 Planprogram, vedtar Fedje kommune planprogrammet til Kommunedelplan for Helse- og omsorg 2020-2025.

Leiar i eldrerådet vert representant i planarbeidet frå eldrerådet, nestleiar vert vara.

Samrøystes vedteke.

Formannskapet - 023/20

F - behandling:

F - vedtak:

Med hjemmel i Plan- og bygningsloven §4-1 Planprogram, vedtar Fedje kommune planprogrammet til Kommunedelplan for Helse- og omsorg 2020-2025.

Samrøystes vedteke.

Sakspapir

Sakshandsamar	Arkiv	ArkivsakID
Kim Andre Vangberg	FE-026, FA-F70	20/59

Saksnr	Utval	Type	Dato
024/20	Formannskapet	PS	03.03.2020
010/20	Kommunestyret	PS	12.03.2020

Avtale om administrativ vertskommunesamarbeid om krisesenter for Bergen og omegn

Vedlegg:

Vedlegg 1 - Samarbeidsavtale.PDF

Vedlegg 1ai -Tjenestebeskrivelse Kriesesenter for Bergen og omegn, revidert 24.05.2019.PDF

Fordelte utgifter Kriesesenter for Bergen og omegn for 2018 og 2019

Saksutgreiing:

Bakgrunn

Lov om krisesenter tok til å gjelda frå 19.06.2010, og påla kommunane å ha tilbod om krisesenter til dei som treng det. Saman med dei aller fleste andre kommunar i Hordaland, inngjekk Fedje kommune samarbeidsavtale med Bergen kommune om drift av krisesenter. K-sak 049/10 – 16.12.2010. I 2014 vart samarbeidsavtalen vidareført K-sak 016/14.

Ny samarbeidsavtale frå 01.01.2019 krev ny politisk behandling og godkjenning. Kriesesenter for Bergen og omegn ligg i Bergen og vert forvalta av Bergen kommune. Andre samarbeidskommunar som er knytt til samarbeidsavtalane er Askøy, Austevoll, Austrheim, Eidfjord, Fusa, Granvin, Kvam, Jondal, Alver, Masfjorden, Modalen, Os, Osterøy, Samnanger, Sund, Vaksdal, Voss, Ulvik, Øygarden kommune.

Samarbeidskommunane delegerer i samarbeidsavtalen følgjande oppgåver til vertskommunen:

«Å sørge for eit krisesentertilbod som skal kunna nyttast av personar som er utsette for vald eller truslar om vald i nære relasjonar, og som har behov for rådgjeving eller eit trygt og mellombels butilbod , jf krisesenterlova § 2.»

«Tilbodet skal minimum oppfylle krav om krisesenter som følgjer av krisesenterlova § 2.»

Vurdering

Jf. Lov om kommunale krisesentertilbod § 2, skal kommunen sørge for eit krisesentertilbod som skal kunna nyttast av personar som er utsette for vald eller truslar om vald i nære relasjonar, og som har behov for rådgjeving eller eit trygt og mellombels butilbod.

Fedje kommune vurderer at for å ta vare på den lovpålagte tenesta jf. Kriesesenterlova § 2, er det naudsynt å delta i samarbeidet med Bergen som vertskommune for krisesenter for Bergen og omegn. Dette er ei lovpålagt oppgåve som kommunar må samarbeida om for å gje eit godt fagleg forsvarleg

tilbod.

Det er også naudsynt å være med på vidareføring av samarbeidet for å sikre kostnadseffektiv drift. Viser her til statistikk publisert på SSB 23.11.2017. Her har SSB sett på at dei billegaste sentera, målt i kommunale tilskot per innbyggjar, er gjennomgåande dei som har mange brukarkommunar. Til dømes har krisesentera i Stavanger, Bergen og Verdal utgifter på under 40 kroner per innbyggjar, og alle tre har 18-26 kommunar å fordela utgiftene på. Andre sentrum med låge tilskot ligg i Oslo og ikkje minst i Trondheim, der det er eit stort befolkningsgrunnlag å spreia utgiftene på. Dei mest kostbare krisesentera ligg naturleg nok i distrikt med lita befolkning, der det òg kan vera andre kostnadsdrivande faktorar, slik som store reiseavstandar. To små sentrum, i Sør-Varanger og Gol, har utgifter på over 200 kroner per innbyggjar. Ein ser sam tendens ved at alle dei fire krisesentera i Finnmark har driftsutgifter på over 120 kroner per innbyggjar.

Betalingsordninga for samarbeidsavtalen er basert på det kommunane får til dette formålet i rammeoverføringa. Det dannar grunnlaget for korleis det vert rekna ut kva kommunen skal betala for samarbeidet med Bergen kommune. Det er ei vidareføring av eksisterande ordning, som ikkje er tidsavgrensa. Avtalen kan seiast opp med eitt års varsel.

Folkehelse :

Tiltaket er pålagt. Helsegevinsten er tilbod og oppfølging utover det som kommunal helse- og omsorgsteneste kan tilby valdsutsette kvinner og borna deira ved alvorlege kriser.

Økonomi

For åra 2020, 2021 og 2022 vert rammetilskot til kommunane 2020 nytta som grunnlag for utrekning av kommunens del. Det er ikkje laga berekning for 2020 enno. Dette vil verte informert om så snart Bergen kommune har dette klart. Det kan verte nokre justeringar i fordeling etter kommunereforma. For 2018 og 2019 vart kostnaden kr 65 200,- og kr 69 100,-

Konklusjon

Krisesenter representerer eit lågterskeltilbod for spesielle situasjonar. Det er ei lovpålagt teneste og difor må samarbeid etter vertskommunemodellen vidareførast.

Forslag til vedtak:

Fedje kommune sitt samarbeid etter vertskommunemodellen og avtale om administrativt vertskommunesamarbeid om krisesenter for Bergen og omegn vert vidareført slik avtalen føreligg.

Formannskapet - 024/20

F - behandling:

F - vedtak:

Fedje kommune sitt samarbeid etter vertskommunemodellen og avtale om administrativt vertskommunesamarbeid om krisesenter for Bergen og omegn vert vidareført slik avtalen føreligg.

Samrøystes vedteke.

Sakspapir

Sakshandsamar	Arkiv	ArkivsakID
Kim Andre Vangberg	FE-009, FA-G01	20/14

Saksnr	Utval	Type	Dato
025/20	Formannskapet	PS	03.03.2020
009/20	Kommunestyret	PS	12.03.2020

Psykososialt kriseteam

Vedlegg:

Psykososiale tiltak ved kriser, ulykker og katastrofer – Veileder

Retningslinjer for psykososialt kriseteam

Referat frå iverksetjing av psykosialt kriseteam

Saksutgreiing:

Bakgrunn

Fedje kommune har utarbeidd forslag til retningslinjer for psykososialt kriseteam.

Fedje kommune har tidlegare hatt eit psykososialt kriseteam. Dette teamet har ikkje vore ei operativ gruppe den seinare tid, på grunn av utskifting av tilsette. Etter at ny helse- og omsorgssjef starta i jobben 16.desember 2019 er dette ei gruppe å få operativ igjen. Dette må i framtida sjåast på i samband med førebyggjande team, som departementet tilrår jf. arbeid med førebyggjande arbeid innan psykisk helse.

Det vart gjennomført eit møte mellom ulike aktørar i kommunen, politiet og prest den 13.02.2020. Formålet var å få sett i verk eit psykososialt kriseteam. Vedlagt saksframlegget følgjer referat frå møte den 13.02.2020 og forslag til nye retningslinjer for psykososialt kriseteam. I tillegg ligg rettleiar utgitt av Helsedirektoratet for psykososiale tiltak ved kriser, ulykker og katastrofar IS-2428 som vedlegg. Denne dannar grunnlag for nye retningslinjer for Fedje kommune.

Vurdering

Ivaretaking av befolkninga ved ekstraordinære hendingar er ein viktig del av ansvaret til kommunane. Alle kommunar er anbefalt å ha psykososiale kriseteam som skal yta støtte, omsorg og fagleg hjelp til menneske som blir ramma av ulykker, kriser og katastrofar. Vanlegvis er kriseteama samansett av tilsette innanfor helse- og sosialtenestene i kommunen. I tillegg deltar ofte representantar frå skule, barnehage, politi og kyrkje. Kriseteamet vert tilkalla ved store ulykker, men også ved mindre hendingar der mange menneske er involverte. Det er leiinga i kommunen som avgjer når kriseteamet skal innkallast.

Konklusjon

I tråd med kommunen sitt ansvar for ivaretaking av befolkninga ved ekstraordinære hendingar, tilrår rådmannen at kommunen har eit psykososialt kriseteam.

Forslag til vedtak:

Kommunestyret godkjenner retningslinjer for psykososialt kriseteam i Fedje kommune.

Formannskapet - 025/20**F - behandling:****F - vedtak:**

Kommunestyret godkjenner retningslinjer for psykososialt kriseteam i Fedje kommune.

Samrøystes vedteke.

Sakspapir

Sakshandsamar	Arkiv	ArkivsakID
Jan Torry Sande	FE-143	14/664

Saksnr	Utval	Type	Dato
026/20	Formannskapet	PS	03.03.2020
012/20	Kommunestyret	PS	12.03.2020

Handsaming av kulturminneplanen for Fedje kommune

Vedlegg:

Framlegg kulturminneplan med ordførar sitt forord

Saksutgreiing:

Bakgrunn

Denne saka byrja i 2014. Hovudårsaka var at Hordaland fylkeskommune hadde kommunale kulturminneplanar som satsingsområde i 2014 og 2015. Fedje kommune fekk til saman 200 000 kr i stønad til å fullføra prosjektet. Etter første politiske handsaming kom arbeidet med kulturminneplanen (19.09.2014) kjapt i gang.

Kulturminneplanen vil ha status som kommunedelplan. Det kan utarbeidast ein kommunedelplan for alle tema/ sektorar der det er hensiktsmessig (Plan- og bygningslova §11). Slike planar bør vere forankra i samfunnsdelen i ein kommuneplan. Den skal ha ein handlingsdel med tiltak som skal gjennomførast i kommuneplanperioden, og som vert rullert kvart år i samband med handsaming av økonomiplanen. Det første steget mot ein endeleg kulturminneplan var planprogrammet, som vart handsama i formannskapet 19.04.2016.

Kommunen har eit ansvar for å sikra opne planprosesser med moglegheiter for medverknad frå innbyggjarar, andre kommunar, regionale myndigheiter, faginstansar med meir. Det vart difor skipa ei arbeidsgruppe med friviljuge som skulle jobbe med «verdivurderingar, prioritere kulturminne og arbeide fram konkrete mål til handlingsdelen av kulturminneplanen». «Rådgjevande arkeologar ANS» ved Ørjan Engedal vart innleigd for å gå gjennom objekta i SEFRAK-registeret (SEFRAK er eit landsdekkande register over eldre bygg og andre kulturminne. SEFRAK-registrering gjev ikkje automatisk vernestatus), kontrollregistrere og kartfeste krigsminna på Fedje, samt gjennomføre synfaring av arkeologiske kulturminne. I april 2019 vart Rådgjevande Arkeologar hyra inn for å ferdigstille arbeidet med planen. Planen vart lagt ut på høyring etter godkjenning av seniorrådgjevar Elisabeth Warren ved Hordaland Fylkeskommune. Høyringsperioden var frå 02.05.2019 til 20.06.2019. Innspel som kom i høyringsperioden er innarbeidd i planen.

Målsetjinga med planen er fire-delt:

1. Avklare kva kulturminne (inkl. kulturmiljø og kulturlandskap) som skal takast vare på, kvifor og korleis.
2. Auke kunnskapen om prioriterte kulturminne, kulturmiljø og kulturlandskap i lokal politikk, forvaltning, næring, skule og undervisning og i samfunnet generelt.
3. Framheve og vidareforedle kulturminne som ressursar for utvikling av lokalsamfunnet og næringslivet.
4. Gje eit godt grunnlag for utforminga av heilskaplege og langsiktige målsetjingar for lokal

kulturminnepolitikk.

Vurdering

Arbeidet med Kulturminneplanen har vore langvarig, og kronglete. Fleire sakshandsamarar har vore inne i saksgangen, og det er seks år sidan arbeidet byrja. Dette får sjølvstekt konsekvensar for den endelege planen, og for vedtaksforslaget, slik det ligg føre. Det har vore fleire høyringar, og planprogrammet har vorte endra i løpet av prosessen. Det har og kome innspel etter dei ulike høyringane.

Store deler av arbeidet med planen er gjort av «Rådgjevande Arkeologar ANS». Det vart tidleg i prosessen klart at det ikkje var fagkompetanse lokalt for å fullføra arbeidet med planen. Etter ei sondering fekk kultursekretæren kontakt med arkeolog Ørjan Engedal. Han hadde røynt med kulturminneplanar, og er fagperson på kulturminnefeltet. Kvalitet og seriøsitet med omsyn til vurderingar omkring objekta i SEFRAK-registeret, kontrollregistrering og kartfesting av krigsminna på Fedje, samt synfaring av arkeologiske kulturminne hadde ikkje vore mogeleg utan fagfolk. I tillegg kunne Ørjan Engedal ha eit samanhengande fokus på arbeidet i ei tid då det var mykje skifte av personell i administrasjonen. Resultatet av dette er at kvaliteten på del 1, 2 og 3 av planen er høg.

«Del 4 – Handlingsplanen» er ikkje tilrådeleg å vedta slik den ligg føre. Handlingsdelen er utdatert på fleire punkt. Årsaka er at det har gått lang tid sidan fleire av punkta vart formulert. I tillegg har det kome munnleg innspel om at ein avtale med grunneigar ikkje ligg føre slik det vert framstilt i planen.

Folkehelse – Vanskeleg å finne målbare konsekvensar, sjølv om dei truleg er til stades.

Miljø – Ein planmessig utvikling vil nok ha konsekvensar for miljøet. Fleire tema i ein endeleg vedteken kulturminneplan er relevant for det fysiske miljøet på Fedje.

Økonomi - Vedtak gjort i tråd med handlingsplandelen vil få konsekvensar for budsjettering i Fedje kommune.

Konklusjon

Etter ei samla vurdering av prosessen, og på bakgrunna av innspel etter høyringa, vert konklusjonen at det meste av planen er av bra kvalitet med unntak handlingsdelen som bør utarbeidast på nytt. Arbeidet med ein ny handlingsplan bør ikkje vente for lenge.

Forslag til vedtak:

«Kulturminneplan for Fedje kommune» vert vedteken med unntak av handlingsdelen, som er frå og med side 68 til og med side 71 i vedlegget. Administrasjonen vil ta opp att arbeidet med handlingsplanen innan utgangen av 2020.

Formannskapet - 026/20

F - behandling:

F - vedtak:

«Kulturminneplan for Fedje kommune» vert vedteken med unntak av handlingsdelen, som er frå og med side 68 til og med side 71 i vedlegget. Administrasjonen vil ta opp att arbeidet med handlingsplanen så raskt som mogleg.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	20/119

Saksnr	Utval	Type	Dato
027/20	Formannskapet	PS	03.03.2020

Eventuelt formannskap 03.03.20

Saksutgreiing:

Forslag til vedtak:

Formannskapet - 027/20

F - behandling:

Hans Erik Waage (Ap) stilte spørsmål om sikring av fabrikkområde på Svena og kva kommunen gjer for å følge det opp. Rådmannen v/teknisk sjef fortalte kva som har vore gjort tidlegare. Rådmannen sa at saka vil verte følgd opp no.

Bjørn Solbakk (Frp) informerte om at Høgre/Frp kjem med framlegg om arbeidsgrupper til kommunestyremøtet 12.03.20.

Rådmannen orienterte om 3 saker:

- Rekneskapen 2019: Forventning om underskot og moglege grunnar til det, samt nedgang i fondsmidlar i perioden 2017-2019
- Teknisk sjef ned til 80% stilling frå 1.mars 2020. Ny stadfortreder for rådmannen er personalsjef.
- Førespurnad om landvindmølle på Fedje frå privat investor. Mindre prosjekt, potensielt 100 000 kr i eigedomsskatt. Formannskapet ønskjer ikkje å gå vidare med dette no.

Ordførar informerte om møte med fylkesmannen 27.02.20. Tema: Plassering oppdrettsanlegg, havvindmøller, drenering industriområde Stormark og plassering av garasje i friluftsområde.

Formannskapet vart samde om å flytte neste kommunestyremøte til kl 18.30 for å passe til ferjetidene. Bad om sak til kommunestyret.

F - vedtak:

Ingen vedtak under eventuelt.

